



Broj: 02-30-16284/22
Mostar; 07.10.2022.godine

Na osnovu člana 70. stav 2. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj 35/05), u vezi s članom 165. Zakona o zaštiti od požara i vatrogastvu („Službene novine Federacije Bosne i Hercegovine“, broj 64/09), članom 25. stav (1) Zakona o namještenicima u organima državne službe u Federaciji Bosne i Hercegovine („Službene novine Federacije Bosne i Hercegovine“, broj: 49/05 i 103/21) i člana 43. Statuta Grada Mostara („Gradski službeni glasnik Grada Mostara“, broj: 4/04 i „Službeni glasnik Grada Mostara, broj: 8/09 i 15/10), gradonačelnik Grada Mostara, donosi

U P U T S T V O

o načinu provođenja, testiranja i ocjenjivanja prilikom prijema namještenika u radni odnos u Profesionalnu vatrogasnu postrojbu/jedinicu Grada Mostara

Član 1.

(1) Ovim Uputstvom utvrđuje se način provođenja, testiranja i ocjenjivanja prilikom prijema namještenika (u daljem tekstu: kandidati) u radni odnos u Profesionalnu vatrogasnu postrojbu/jedinicu Grada Mostara (u daljem tekstu: PVP/J).

(2) Testiranje kandidata uključuje pismeni test znanja iz oblasti zaštite od požara i vatrogastva, provjeru fizičke sposobnosti, provjeru vozačkih sposobnosti za poziciju vatrogasac-vozač i vatrogasac - vozač specijalnih vozila putem testne vožnje specijalnim vatrogasnim vozilom, usmeni dio ispita (intervju) kao i druga pitanja koja su od značaja za provjeru stručne, radne i druge sposobnosti kandidata u procesu odabira.

Član 2.

(1) Testiranje kandidata vrši Komisija za provođenje testiranja i ocjenjivanja koju posebnim rješenjem imenuje Gradonačelnik. Komisija se sastoji od pet članova i administrativno-tehničkog sekretara.

(2) Komisija je dužna da prijavljene kandidate o vremenu polaganja i mjestu održavanja testiranja iz tačke I obavijesti najkasnije 10 (deset) dana po zatvaranju javnog oglasa.

Član 3.

Procesu testiranja podliježu svi kandidati koji se prijave na javni oglas i ispunjavaju opće i posebne uslove propisane Zakonom o namještenicima u organima državne službe u Federaciji BiH, Zakonom o zaštiti od požara i vatrogastvu, Pravilnikom o unutrašnjoj organizaciji Gradske uprave Grada Mostara kao i drugim podzakonskim aktima.

Član 4.

(1) Pismeni test (u daljem tekstu: test) provjere znanja kandidata sastoji se od 25 pitanja sa ponuđenim opcijskim odgovorima iz oblasti zaštite od požara i vatrogastva.

(2) Pitanja se postavljaju na jezicima koji su u službenoj upotrebi u Federaciji Bosne i Hercegovine.

(3) Za svako pitanje u testu ponuđena su najmanje tri opcijska odgovora.

(4) Prilikom rješavanja testa, kandidat odgovara na svako pojedinačno pitanje, označavanjem samo jednog od ponuđenih opcijskih odgovora.

(5) Vrijeme za rješavanje testa je 45 minuta.

(6) Kandidat je položio test i ocjenjuje se "zadovoljava", ako tačno odgovori na najmanje dvije trećine postavljenih pitanja, odnosno ako tačno odgovori na najmanje 17 pitanja.

(7) Kandidat koji nije tačno odgovorio na najmanje dvije trećine postavljenih pitanja, odnosno odgovorio je na manje od 17 pitanja, ocjenjuje se "ne zadovoljava" i ne može pristupiti daljem procesu testiranja.

(8) Kandidat na testu može osvojiti maksimalno petnaest (15) bodova, prema Obrascu broj 1- Kriterij za rangiranje broja bodova za pismeno testiranje, koji je sastavni dio ovog Uputstva.

(9) Komisija je nadležna za utvrđivanje sadržaja testova iz točke IV stav (1) ovog Uputstva.

(10) Test za polaganje pismenog dijela ispita Komisija priprema dva sata prije početka testiranja s tim da članovi Komisije daju po 5 pitanja.

(11) U prostoriji gdje se održava sastanak Komisije, kao i gdje se vrši testiranje treba da se nalazi kompjuter sa štampačem, kako bi Komisija mogla isprintati testove bez izlaska iz prostorije.

(12) Svi koji su učestvovali u pripremanju i obradi pitanja, kao i svi uposlenici gradske uprave koji dolaze u dodir sa testovima, dužni su čuvati tajnost sadržaja testa, kako sadržaj istih, pitanja i odgovori, ne bi bili učinjeni dostupnim kandidatima prije početka testiranja.

(13) Predsjednik Komisije će, u cilju zaštite podataka iz prethodnog stava, pripremljena pitanja, tačne odgovore i cjelokupan ispitni materijal kovertirati i čuvati do početka testiranja.

(14) Članovima Komisije i sekretaru, zabranjeno je korištenje telefona u toku pripreme testova i samog testiranja, kao i izlazak iz prostorije. Kandidatima je zabranjeno korištenje istog u toku testiranja. Ukoliko kandidat bude koristio telefon tokom testiranja, isti će se udaljiti iz daljeg procesa testiranja.

Član 5.

(1) Testiranje fizičke sposobnosti provest će se prema standardima fizičke sposobnosti koji obuhvata pet vježbi uključujući i Kuperov test (Kuperov test - 12 minuta trčanja, podizanje trupa u jednoj minuti, sklekovi u jednoj minuti, troskok, skijaški čučanj u sekundama).

(2) Kandidati će putem poziva imati tačne upute o mjestima na kojima će se vršiti testiranje po pojedinim segmentima fizičkog testiranja.

(3) Kandidat potpisuje izjavu da je saglasan da pristupi provjeri fizičke sposobnosti koje obuhvata spomenute vježbe.

(4) Prilikom utvrđivanja eliminatornog nivoa vodit će se računa o starosnoj dobi svakog kandidata, prema standardima fizičke sposobnosti - obrazac broj 2, koji je sastavni dio ovog Uputstva.

(5) U Obrascu broj 3 — Provjera fizičke sposobnosti, koji je sastavni dio ovog Uputstva, unose se lični podaci za svakog kandidata pojedinačno kao i postignuti rezultati testiranja neposredno nakon izvođenja svake pojedinačne vježbe, te broj osvojenih bodova.

(6) Kandidat može na svakoj pojedinačnoj vježbi osvojiti maksimalno četiri boda,

odnosno za pet vježbi kandidat može osvojiti maksimalno 20 bodova.

(7) Ukoliko kandidat osvoji na nekoj od pojedinačnih vježbi nula (0) bodova, ne može pristupiti daljem procesu testiranja.

(8) Za ukupnu provjeru fizičke sposobnosti, a prema postignutom rezultatu upisuje se rezultat "zadovoljio" odnosno "nije zadovoljio", što se potvrđuje potpisom predsjednika Komisije.

(9) Odmah po izvršenoj provjeri fizičkih sposobnosti, kandidat svojim potpisom na obrascu potvrđuje da je saglasan sa upisanim rezultatom, odnosno da nema primjedbi na isti.

Član 6.

(1) Provjera vozačkih sposobnosti kandidata za poziciju vatrogasac – vozač i vatrogasac – vozač specijalnih vozila se izvodi putem testne vožnje vatrogasnim vozilom u gradskom saobraćaju.

(2) Komisija je dužna kandidata upoznati sa karakteristikama vatrogasnog vozila sa kojim će obaviti testnu vožnju (nosivost vozila, zapremina vozila, snaga motora i drugi određeni elementi vezani za vatrogasna vozila).

(3) Komisija na testnoj vožnji ocjenjuje vozačke sposobnosti kandidata kao i kontrolu kandidata nad vozilom.

(4) Kandidat na testnoj vožnji za postignuti rezultat se ocjenjuje ocjenom "zadovoljio", odnosno osvojio je pet (5) bodova, dok kandidat koji "nije zadovoljio" osvojio je nula (0) bodova.

(5) Ukoliko kandidat osvoji na testnoj vožnji nula (0) bodova, ne može pristupiti daljem procesu testiranja.

Član 7.

(1) Kandidati koji po javnom oglasu za prijem namještenika u radni odnos u PVP/J ispunjava sve opće i posebne uslove, nakon sumiranja ukupnih rezultata testiranja, poziva se na usmeni dio ispita.

(2) Usmeni dio ispita se sastoji od tri identična pitanja za svakog kandidata, na koja isti usmeno odgovara, a Komisija utvrđuje opći utisak.

(3) Kandidate na usmenom dijelu ispita ocjenjuju svi članovi komisije, za svaki odgovor na postavljeno pitanje, dodjeljujući bodove od jedan do tri, što znači da kandidat može osvojiti maksimalno 15 bodova na usmenom dijelu ispita.

(4) Kandidatima koji pristupe usmenom dijelu ispita obezbjeđuje se jednako vrijeme za predstavljanje. Razgovorom sa kandidatima utvrđuju se vještina komuniciranja, interes, profesionalni ciljevi, stavovi i motivacija kandidata za rad u vatrogasnoj jedinici, dodatno znanje i vještine.

Član 8.

(1) Na Obrascu broj 4a — Konačno ocjenjivanje i bodovanje, koji je sastavni dio ovog Uputstva, upisuje se konačan broj bodova koje je ostvario kandidat na poziciji vatrogasac, i to za pismeni test provjere znanja, test fizičke sposobnosti i usmeni dio ispita.

(2) Na Obrascu broj 4b — Konačno ocjenjivanje i bodovanje, koji je sastavni dio ovog Uputstva, upisuje se konačan broj bodova koje je ostvario kandidat na poziciji vatrogasac-vozač i vatrogasac – vozač specijalnih vozila i to za pismeni test provjere znanja, test fizičke sposobnosti, testnu vožnju vatrogasnim vozilom i usmeni dio ispita.

Član 9.

(1) Komisija nakon obavljenog testiranja, sačinjava Listu uspješnih kandidata koji ispunjavaju sve uslove za prijem namještenika u radni odnos u PVP/J i iste dostavlja Gradonačelniku.

(2) Gradonačelnik odlučuje o prijemu namještenika u radni odnos sa Liste kandidata koji ispunjavaju sve uvjete javnog oglasa o čemu se donosi pisano rješenje. Komisija kandidatima koji nisu primljeni u radni odnos dostavlja pismeno obavještenje koje sadrži razlog zašto kandidat nije primljen u radni odnos i podatke o kandidatima koji su primljeni u radni odnos.

Član 10.

Ovo Uputstvo se primjenjuje i kod prijema pripravnika u PVP/J, u skladu sa članom 108. Zakona o zaštiti od požara i vatrogastvu, i uključuje provjeru fizičkih sposobnosti za starosnu dob do 25 godina, provjeru vozačkih sposobnosti vožnjom vatrogasnog vozila u gradskom saobraćaju i usmeni ispit (intervju).

Član 11.

Ovo Uputstvo stupa na snagu danom donošenja i bit će objavljeno na web- stranici Grada Mostara.

GRADONAČELNIK


Mario Kordić



Obrazac broj 1

KRITERIJI ZA RANGIRANJE BROJA BODOVA ZA PISMENO TESTIRANJE

Broj tačnih odgovora	Bodovi	Rezultat
0-16	0	Ne zadovoljava
17-19	12	Zadovoljava
20-21	13	Zadovoljava
22-23	14	Zadovoljava
24-25	15	Zadovoljava

STANDARDI FIZIČKE SPOSOBNOSTI

Red broj	Testovi motorike	Bodovi	DOB			
			18 - 25	26 - 35	36 - 45	46 i više
1	Trčanje — 12 minuta (metara)	0	do 1599	do 1519	do 1359	do 1279
		1	1600-1999	1520-1839	1360-1679	1280-1599
		2	2000-2399	1840-2239	1680-2079	1600-1999
		3	2400-2799	2240-2639	2080-2479	2000-2399
		4	2800 i više	2640 i više	2480 i više	2400 i više
2	Podizanje trupa (trbušni mišići 1 minuta bez opterećenja)	0	18 i manje	15 i manje	12 i manje	9 i manje
		1	19-28	16-20	13-16	10-14
		2	29-38	21-28	17-22	15-19
		3	39-45	29-38	23-27	20-24
		4	46 i više	39 i više	28 i više	25 i više
3	Sklekovi na ravnoj podlozi - 1 minuta	0	13 i manje	12 i manje	10 i manje	8 i manje
		1	14-18	13-17	11-15	9-12
		2	19-25	18-23	16-19	13-16
		3	26-35	24-30	20-24	17-19
		4	36 i više	31 i više	25 i više	20 i više
4	Troskok (metara)	0	6,49 i manje	5,84 i manje	5,19 i manje	4,54 i manje
		1	6,50-6,69	5,85-6,04	5,20-5,39	4,55-4,74
		2	6,70-6,89	6,05-6,24	5,40-5,59	4,75-4,94
		3	6,90-7,19	6,25-6,49	5,60-5,79	4,95-5,14
		4	7,20 i više	6,50 i više	5,80 i više	5,20 i više
5	Skijški čučanj (sekunda)	0	79 i manje	71 i manje	63 i manje	55 i manje
		1	80-89	72-81	64-73	56-65
		2	90-99	82-90	74-83	66-75
		3	100-109	91-100	84-93	76-85
		4	110 i više	101 i više	94 i više	86 i više

PROVJERA FIZIČKE SPOSOBNOSTI

PODACI O KANDIDATU

1. Prezime (ime oca) i ime

2. Datum i mjesto rođenja

3. Radno mjesto na kojese kandidat prijavljuje

4. Godine starosti
 18- 26- 36- 46-i
 25 35 45 više

5. Datum provjere

TEST	REZULTAT	BODOVI	ZADOVOLJIO	
			DA	NE
Cooperov test 12 minuta trčanja			DA	NE
Podizanje trupa u jednoj minuti			DA	NE
Sklekovi u jednoj minuti			DA	NE
Troskok udalj s mjesta			DA	NE
Skijaški čučanj			DA	NE
UKUPAN BROJ BODOVA				

ZADOVOLJAVA NE ZADOVOLJAVA

Saglasan sam sa upisanim rezultatom:

Kandidat

Predsjednik Komisije

KONAČNO OCJENJIVANJA I BODOVANJE,
ZA POZICIJU VATROGASAC

PODACI O KANDIDATU

1. Prezime (ime oca) i ime

2. Datum i mjesto rođenja

3. Radno mjesto na koje se kandidat prijavljuje

4. Godine starosti
18-25 26-35 36-45 46 i više

TEST	BODOVI
Pismeni ispit znanja	
Test fizičke sposobnosti (ukupan broj bodova)	
Usmeni dio ispita (intervju)	
UKUPNO	

Predsjednik Komisije

KONAČNO OCJENJIVANJE I BODOVANJE ZA
 POZICIJU VATROGASAC — VOZAČ I
 VATROGASAC - VOZAČ SPECIJALNIH VOZILA

PODACI O KANDIDATU

1. Prezime (ime oca) i ime

2. Datum i mjesto rođenja

3. Radno mjesto na koje se kandidat prijavljuje

4. Godine starosti

18-
25

26-
35

36-
45

46-i
više

TEST	BODOVI
Pismeni ispit znanja	
Test fizičke sposobnosti (ukupan broj bodova)	
Testna vožnja vatrogasnim vozilom	
Usmeni dio ispita (intervju)	
UKUPNO	

 Predsjednik Komisije

1000
1000
1000

1000
1000
1000